

欽定剿平粵匪方略

欽定勦平粵匪方略卷二百二十八 己未年

十二月初一日

丙申

蔣蔚遠奏言據署都勻府知

府侯雲沂等稟報逆首石達開於九月二十日
竄入廣西慶遠府屬裏脅不下十萬餘人自羅
城至落墨渡連營二百餘里十月二十六日分
股由六合墟渡河竄踞德勝偏近南丹意欲由
黔入川勢甚猖獗查獨山荔波均與南丹接壤

若該匪由黔竄蜀黔省兵力甚單不敷堵勦惟
有催令前赴湖南之副將田興恕剋日帶兵速
回黔省卽由都勻荔波一帶迎頭截擊臣仍嚴
飭各該地方官實力防禦並分咨湖南四川廣
西各督撫迅速派撥勁旅一體兜勦奏入

上命軍機大臣傳諭駱秉章曹澍鍾曰逆首石達開意
欲由黔入蜀現在獨山荔波均形危急著駱秉章飭

令副將田興恕星馳前往應援毋稍延緩至該逆人數衆多自應厚集兵力以資圍剿蕭啟江一軍昨據曾國藩奏稱並未調回湖北所有蕭啟江兵勇仍著駱秉章接濟兵餉由曹澍鍾飭赴慶遠一帶追剿毋令逆匪蔓延川省劉長佑所帶兵勇如粵西軍務漸定亦著與蕭啟江同往以助兵力

初五日

庚子

和春奏言逆匪麕集江浦添築壘卡

意欲接應金陵十一月十一日張國樑親督各
軍平毀北山賊卡十四日攻破城南賊巢斃賊
甚多十五十六等日該逆於江邊磨盤洲地方
搶築逆壘官軍分路環攻賊衆大挫狂奔北門
外賊營亦同時攻破其陳家集等處之賊竄回
天長現在揚州邊境肅清至南路之賊竄伺溧
水亦經防守官軍擊退二十三日江浦對岸地

道內火藥轟發賊匪自斃無算猶敢從求兩山等處屢次來撲均經擊退斬馘無數我軍乘勢追躡當將西北逆壘二十餘座全行踏毀現在賊膽已寒雖有逆壘未盡鏟除仍當設法掃蕩不令久踞此次陣亡之外委屈善案應請

飭部照例議卹奏入

上諭內閣曰此次官軍屢破江浦逆壘揚州邊界一律

肅清著和春等激勵將士將浦口等處賊匪節節掃
除無任久踞陣亡之外委屈善案著照例議卹

和春又奏言據水師總兵吳全美稟稱繁昌之
賊欲會合蕪湖逆匪由峨橋復踞石碓經參將
李起高管帶礮艇往來轟擊十一月初四日新
興街有賊一千餘人四出擄掠我軍登岸追擊
擒獲賊目三人斬馘無數十四日東溝內之方

山有賊占踞遊擊王希堂等水陸進剿槍斃逆
匪數十名立將賊卡平毀是日沙漫洲突來馬
步賊匪驅掠難民當卽開礮截擊並令水勇登
岸潛攻賊後賊衆驚潰我軍乘勢截殺斃匪多
名現仍飭上下游官兵實力巡防相機進剿奏
入報

初六日辛丑周天受奏言查村等處敗匪由雲嶺

陳村竄擾涇縣城北經副將榮陞等連日督隊
會勦攻破石柱坑賊卡二重礮臺賊營一座賊
復退踞董家村白茆塘死拒並於十一月十九
日撲我萬級黃柏兩嶺營盤榮陞等會合徽軍
力擊連斃悍賊都司張維紳等乘勝攻毀賊巢
追殺二十餘里嶺外近地肅清其竄擾西河之

賊參將朱景山等帶隊馳援擊斃黃衣賊首賊
隊大潰二十二日官軍進勦黃池南岸牛頭山
之賊糾合北岸死黨來援副將吳再升等分投
迎擊殲賊無算當將黃池南岸收復惟北岸及
烏溪地方尙有賊壘臣仍督飭將士設法勦除
在事出力各員可否由臣擇尤保奏以示激勵
之處出自

鴻施奏八

上諭內閣曰此次黃池南岸收復勦辦尙爲得手其北岸賊壘及烏溪餘匪仍著周天受督飭將弁乘勝勦除毋留餘孽在事出力各員著張芾會同周天受擇尤保奏

初七日

壬寅

翁同書奏言逆匪經官軍痛勦後分

竄鑪橋胡家圩等處當飭副將尹善廷等率領

兵練迅速進攻我軍先攻鑪橋該逆恃有胡家
圩逆黨爲援守禦稍懈尹善廷密募嚮導乘夜
渡河直襲鑪橋賊營並知會各軍分路進攻斃
賊無數胡家圩之賊前來接應尹善廷知賊勢
已分卽選派精銳直撲胡家圩逆壘該逆聞風
回救我軍已齊抵壘邊施放噴筒火箭登時火
起我軍緊堵壘門未容賊匪竄出該逆回救之

衆又經我軍分隊追殺殲戮無遺立將胡家圩
逆壘三座踏毀廬州之賊由江竄回約有萬餘
人將王家圩攻破旋踞高劉集分竄雷麻店一
帶署合肥縣知縣英翰親督勇練馳往援勦將
新築賊壘四座踏毀查南路粵逆因楚師銳意
東征思以全力相抗偵知廬舒各處調集逆黨
愈聚愈多分路竄擾以圖牽掣楚師爲救援太

湖之計現在賊蹤已及壽境難保不比竄壽州
西犯六霍臣已飭尹善廷等留軍攻取鑪橋分
隊往南迎勦以固州城並飛飭副將盧又熊緊
守六安要隘以防竄突奏入報

同日河南巡撫瑛燊黑龍江副都統關保奏言
准湖北撫臣胡林翼函稱官兵圍攻太湖四眼

狗陳玉城自率浦六大股賊匪來援號稱十萬
情形萬分緊急豫省光商固始一帶亦另有一
股竄入囑卽派兵扼守險要等語查楚師東征
該逆勢必西熾豫省光固一帶情形喫重當飭
鄭元善扼要嚴防惟賊衆兵單難資抵禦臣關
保營中馬隊不敷分撥惟有仰懇

天恩俯念豫省軍務緊急

飭令吉林將軍選撥馬隊一千名派員管帶來豫助勦
以期迅殄逆氛奏入

上命軍機大臣傳諭官文胡林翼瑛榮關保曰瑛榮關
保奏陳逆大股來援太湖恐分竄光固請飭吉林馬
隊助勦等語楚師東征賊勢自必西熾豫省光固一
帶情形喫重自應添兵助勦惟吉林馬隊萬無可撥
前據官文等奏議分四軍征皖其第四路調回李續

宜由光固以規廬州會論該大臣等令李續宜取道
光固潁州繞出懷蒙以北方不致驅賊北趨想已籌
酌辦理惟征皖必先保豫若楚師鼓行而東該逆走
險擾及豫境誠恐關保等兵力難資堵禦著官文等
迅飭李續宜一軍卽由光固一帶截其竄豫之路其
前調西丹馬隊計可陸續到楚並著酌量抽分交李
續宜帶往截勦楚軍未到之先仍著瑛棨等督飭將

弁激勵鄉團扼要嚴防

初八日癸卯羅遵殿奏言臣查江西廣饒各路並

無重兵駐守萬一賊匪乘虛西竄河口景德爲
該逆來往熟徑三衢邊界防不勝防江北之賊
現又紛紛渡江小丹陽等處一片賊氛在該逆
無非牽掣我師爲援救金陵之計刻下金陵浦
口疊經和春等嚴密堵剿該逆不能逞志勢必

分竄溧水高淳東壩該處距浙江甚近不但廣
德建平四安路路可通且杭湖兩郡歧途百出
不必經由甯國卽可直入浙境是浙西之患急
於浙東臣已調援勦黃池之兵先赴廣德建平
一帶駐紮以顧甯國後路一面飛咨衢州鎮總
兵李定太親帶衢師三千餘名進省臣與面商
卽令馳赴四安擇要扼紮如甯國軍情較緊亦

聞
可就近往援所有三衢防務有副將張萬連可
以接統惟查三衢之師先後調赴徽甯四安等
處爲數不少衢防又恐單弱臣已囑李定太於
四安布置完竣先行酌量調回千餘名以顧東
路奏入報

十七日

壬子

和春奏言逆酋陳玉城糾合死黨號

稱十數萬再撲揚州力攻江浦並分股渡江窺
伺溧水秣陵等處使我南北牽綴以遂其衝突
之謀經張國樑先事豫防並親督馬步兵勇分
路抄襲連日更番擄戰殺斃賊匪二千餘名當
將李家山等處新舊逆巢一律平毀刻下悍賊
多已潛赴皖北自應相度機宜爲扼吭擣腹之
計張國樑布置略定於十二月初三日暫回南

聞

岸面商一切仍飭各軍嚴防回竄毋得稍有疏虞奏入報

同日

上命軍機大臣傳諭和春曰朕聞李若珠庸鈍不知調度六合被圍潰圍而出祇帶本營之衆微服潛逃各營不見主將一時大亂爲賊所乘或死或擄約有五

千人伊祇報陣亡二千八百餘人兵勇生前應得之
餉糧臺欲不發給等情著和春卽查明六合一仗陣
亡兵勇究有若干人其報明陣亡者若干人如有冒
領餉需等事卽查明嚴行禁革以杜弊混李若珠如
果庸懦無能並有前項情弊卽著和春於各營將弁
內另行選擇奏派一員幫辦軍務

十八日

癸丑

翁同書奏言東路逆匪盤踞莊木橋

經副將于昌麟等督帶勇練連日進勦該逆將
橋拆斷隔河拒守十二月初四日突出賊騎數
百前來窺探于昌麟等督率勇練併力截擊該
逆披靡敗逃我軍乘勝緊追至姚家灣地方該
處搭有浮橋逆眾拼命搶過遁入賊壘我軍以
練勇看守浮橋馬步全隊分路直攻賊巢施放
噴筒火箭該逆驚慌失措我軍四面兜擊斃賊

二百餘名餘匪拌命向西南逃竄立將莊木橋
逆壘三座平毀其南路高劉集之賊亦經副將
尹善廷等分兵迎擊斃賊頗多餘逆向金橋長
城一帶退去初五日突有另股賊衆竄至瓦埠
鎮一帶勢極狡猾幸該處有大河阻隔未能卽
時飛越經該處民團奮擊悉向雙廟集一帶退
去又傳聞粵逆四眼狗陳玉城因見楚師勢盛

我軍與爲犄角遂由江浦六合帶領二十餘隊
意圖西竄六安以拒楚師北犯壽州牽掣我軍
現在定遠廬州舒城等處逆蹤麕聚臣已函商
湖北撫臣胡林翼豫爲布置並飛飭六安霍山
文武各員慎守城池嚴扼要隘以防竄突奏入
上命軍機大臣傳諭袁甲三翁同書曰壽州東南兩路
官軍雖於莊木橋等處屢次獲勝不過因賊已潰竄

劉平逆壘並未令其大受懲創至逆首陳玉城一股
竄突情形極爲猖獗西擾六安北撲壽州均屬可慮
現在翁同書兵力較單著袁甲三力籌兼顧探有賊
匪大股竄至星速派撥兵勇前往助剿如能派馬隊
往援更爲得力並著酌量辦理翁同書仍當激勵兵
勇力扼賊衝不得稍有疏失

二十二日
丁巳
官文胡林翼奏言桐潛大股逆黨

陸續竄至槎水畷欲襲我軍之後經參將余際
昌等親督兵勇繞路進攻該逆分股出撲我軍
抄出賊後首尾夾擊賊衆大潰立將賊壘平毀
殺斃賊匪一千四百名傳聞逆首陳玉城糾
集十萬之衆欲上犯楚境抄襲太湖我軍後路
以解太城之圍臣等已於各要隘分兵堵禦並
嚴飭各軍迅速勦辦以期早克堅城奏入報

同日揚載福奏言池州投誠之章志俊派其部下丞目古澹賢等率隊往攻蕪湖章志俊在府城分派防堵建德石埭等處一面曉諭賊眾概行薙髮詎料古澹賢等於十月初九日糾眾回撲府城章志俊等會同官軍迎擊疊有斬擒十四日該逆復率大股直撲千總李楚材營盤我

軍開礮轟擊賊勢披靡官軍追殺二十餘里該
逆遁歸青陽銅陵等處糾約賊目楊輔青復攻
池州經彭玉麟督率水師各營並韋志俊等竭
力擊退該逆又率大股竄擾柳波磯一帶三十
日韋志俊正在城外與賊接仗該逆乘閒攻撲
城垣池州府城復陷臣現札調韋志俊領衆前
來張溪鎮就近安撫並咨呈湖廣督臣官文等

將彭玉麟一軍移紮黃石磯與臣協同勦撫更
爲得力至此大陣亡之千總謝如友等懇請

飭部分別議卹奏入

上諭內閣曰此次池州府城復陷著楊載福仍飭在事
將弁督同章志俊奮力勦洗設法攻復毋任賊匪久
踞陣亡之千總謝如友著交部照守備例議卹外委
周新田著交部照例議卹

同日周天受奏言江北逆首李侍賢率領大股
由金柱關等處侵擾甯郡先與黃池北岸踞匪
合黨攻撲南岸藉援烏溪臣卽派遊擊蘇坤馳
赴楊泗渡並令參將朱景山等馳赴橫岡橋十
二月初一日該逆分撲橫岡橋牛頭山地方烏
溪賊匪亦出巢接應參將林保等與朱景山合
力夾擊賊衆大潰其牛頭山股匪經副將吳再

升兩次擊敗槍斃及溺死者甚多初三日逆黨同犯紅楊樹副將黃金友奮力攻擊該匪連夜紛竄自楊泗渡至西河等處俱形喫緊初四日副將榮陞等會同民團攻毀東岸賊卡賊匪併力死拒紅楊樹賊巢又經黃金友帶隊潛渡擊其不備餘賊驚潰救出難民千餘人賊竄竹絲溝已革都司李培基等與賊鏖戰賊遂大敗副

將陳大富等出隊擊賊於倉前黃古營初五日
黃金友等擊賊於鹽官渡初六日賊衆再犯西
河已革總兵蕭知音不思力戰乃與副將熊廷
芳共率一千一百餘人退至寒亭地方遊擊冉
正祥三營被賊重圍幸能固守一晝夜迨李培
基等援師趕到始獲解嚴臣卽親督各軍先攻
西河賊匪當將營壘奪回副將熊廷芳等亦將

楊泗渡之賊擊敗惟賊氛尙未遠颺臣惟有激
勵將士迅速奏功肅清甯境至己革高州鎮總
兵蕭知音勦賊不力屢次債事應請

旨卽行治罪副將熊廷芳督隊不力應請革職留營帶
罪立功奏入

上諭內閣曰官軍攻勦江北大股竄匪屢獲大勝勦辦
尙屬認真著周天受仍飭各軍迅圖肅清甯境毋任

賊匪久踞已革總兵蕭知音勦賊不力屢次僨事著
發往軍臺效力贖罪副將熊廷芳督隊不力著卽革
職留營以觀後效

二十七日

壬戌

翁同書奏言粵逆大股疊經官軍

擊敗屬聚盧舒一帶意圖北竄壽州西趨霍六
十二月初七日副將盧又熊等派兵赴張家店
思古潭等處前後夾擊馳至金龍橋地方千總

朱楠斃賊多名其竄至六安州連城販之賊經
該處團練截擊斃賊甚多生擒長髮賊四名道
員李元華亦於初七初八等日督練在湯家販
思古潭地方會合夾擊當將賊匪擊退生擒多
名逆首陳玉城率領各處竄逆並浦口大股賊
匪分擾華子岡等處署合肥縣知縣英翰督盤
被圍外委解先亮帶練由圩內衝出槍斃賊目

立將賊隊擊退復有援賊馳至又經我軍擊敗
追至小河灣地方淹斃不計其數所有雷麻店
吳家山口華子岡黃泥灘桃鎮五顯廟等處賊
營三十餘座均經各該處團練平毀地方一律
肅清此次打仗尤爲出力之署合肥縣知縣英
翰等應行開列請

旨俯准給予獎勵其餘在事出力之官弁練勇容臣查

明保奏奏八

上諭內閣曰此次勦擊大股粵逆踏毀賊壘數十座勦辦尙屬得力署合肥縣知縣英翰著免補本班以同知仍留安徽補用外委解先亮著賞加都司銜並賞換花翎其餘出力官弁練勇著翁同書查明保奏

二十九日

甲子

胡林翼奏言楚軍征皖侍郎曾國

藩駐紮宿松多隆阿鮑超唐訓方蔣凝學馬步

四軍圍守太湖探聞逆首糾合粵匪大股上犯
臣於十月二十八日自黃州移營至蘄州陳德
園籌商各路軍情布置稍定十二月初六日移
營英山縣城南距黃州約二百餘里距羅田蘄
水約各數十里控制潛霍規畫六舒可以捍蔽
楚疆兼顧豫境查潛山縣屬之天堂雄據山中
實爲舒桐英霍之總要臣先於九月密飭參將

余際昌等奪此天險移營駐紮惟孤軍深入處
賊所必爭之地更當密察機宜隨時策應庶保
無虞奏入報

欽定勦平粵匪方略卷二百二十九

庚申年

十年正月初六日

辛未

署四川總督曾望顏奏言

臣接廣西貴州撫

臣

咨稱石逆攻陷廣西慶遠

府偪近黔省都勻府到處勾結意圖由黔入川

又據南川縣王臣福稟稱石逆張貼僞示假道

普安一帶入川業經派人馳往查探各等情臣

查石逆素稱驍悍自楚師擊敗後四處狂奔久

聞其有入川之謀若該逆竄入黔境則遵義湄
甕等處苗教各匪勢必附從滋事而川東川南
一帶均與黔境毗連亟應遠探嚴防以期有備
無患惟川省各營員弁其曉暢軍務者均已調
赴他省出征存營員弁多不得力萬一石逆竄
入辦理更形棘手臣疊奉

諭旨准調陝甘官兵二千名並准提臣郭相忠帶兵來

川助勦將來此項官兵卽請留川以資堵勦庶不致有誤事機奏入

上命軍機大臣傳諭曾望顏曰石逆攻陷廣西慶遠府偏近黔省都勻府意圖由黔入川該省合江敘永一帶均與黔境毗連著曾望顏嚴飭川南川東所屬文武一體偵探相機籌辦並飭西秀彭涪各防所文武卽將竄入黔匪妥速勦辦以杜勾結現在所調陝甘

官兵二千餘名計日可到勦辦必能得手惟陝甘地方亦關緊要此項官兵未便久留在外如川境漸就肅清仍應撤回歸伍向來各省營伍兵丁多不足額錢糧半爲營員侵蝕種種弊端殊堪痛恨該署督惟當嚴飭各營挑揀精銳裁汰老弱使兵無懸額餉不虛糜如能操練有方卽以本省之兵供本省之用足敷堵剿不必專恃客兵援救方爲妥善

初九日

甲戌

和春奏言前奉

諭旨飭查李若珠庸懦無能等款 臣查上年九月間逆

匪圍撲六合大營李若珠親督官兵拒守二十

餘日因糧盡勢窮不得已傳知各營潰圍而出

於十月初七日由八步橋西官巷陳家集分數

道並出馳赴揚防時值昏夜沿途賊營聯屬徑

路紛歧各將弁兵勇飢疲已久節節遇敵首尾

不能相顧致爲所乘李若珠身受矛傷數處屢
瀕於危賴詹啟綸等擁護始能出險疊據李若
珠暨該營將弁先後面述情形大略相同統計
六合一仗陣亡馬隊兵丁五百餘名步隊兵丁
二千二百餘名均經李若珠造報花名冊籍尙
無匿飾其陣亡兵勇生前未領之餉亦由各該
家屬照數領回至幫辦一缺統轄北岸全軍非

十九日

甲申

和春奏言查金陵北岸九洲爲南

比往來水陸要道自咸豐四年洪逆分遣死黨
紮營洲上內蔽金陵外通大江出入自由必須
攻克此洲斷其江北要害全局方有把握正月
初八日張國樑部勒各軍剋期大舉陸路則總
兵馮子材爲左翼總兵張玉良等繼之總兵黃
靖爲右翼副將楊福增等繼之張國樑親督小

隊往來策應水路則總兵黃彬副將賴鎮海參
將郭定猷曾秉忠等管駕戰艇由三山江面順
流而下同時駛擊初九日官兵水陸並進直薄
浦口沿隄賊壘人聲鼎沸烈燄飛騰賊倉猝未
測我師多寡但於牆內開槍抗拒浦口九洲洲
一帶又出悍賊數股三面來援馮子材等分投
迎勦鏖戰約一時許張玉良等後隊踵至縱橫

馳驟所向披靡士卒無不以一當百逆衆大潰
張國樑指揮副將韋明堂等乘銳蹙之一路逆
屍枕藉官兵直擣逆巢黃彬賴鎮海等帶領水
勇沿江轟擊水師總兵陳國泰率領師船駛進
九洑洲聯絡聲勢該逆面面受敵首尾不能相
顧陶茂森等爭先奪壘大衆蟻附而上轟殪悍
賊數千名當將逆壘八座逆卡十餘座一律攻

克馘取首級千餘顆生俘百餘名九洲附近
逆蹤全行盪滌張國樑派馮子材等因壘爲營
仍飭水陸官兵會攻九洲老巢我軍更番休息
晝夜輪流轟擊斃賊甚多賊復捋死抗拒張國
樑嚴飭各鎮將竭力環攻臣等瞭見江北業已
得手又派提督王浚挑選精銳一千名渡江督
戰初十日馮子材張玉良等攻其左黃靖楊福

增等攻其右王浚率所部包截其前張國樑親督馬步勁旅隨後接應官兵人人奮勇沿江戰艦密施大礮水陸一擁而進逆衆膽裂自相踐踏擠溺及轟殪者不下七千餘人卽於初十日卯刻攻克九洑洲老巢搜獲大礮數十尊擡槍器械無算所有附近逆壘當卽派兵填紮以扼金陵西北要衝惟金陵合圍後上游逆黨聞此

消息必以全力赴援或就近北犯儀揚或渡江
南趨瀛壖使我備多力分均在意計之中臣已
飛咨李若珠鄭魁士等加意防守一面由張國
樞親駐北岸督飭水陸將士隨時扼勦外則杜
其救援內則防其衝突以冀早拔根株至此大
攻克逆巢水陸鎮將無不身先士卒躬冒矢石
用能所向無前合無仰懇

天恩先行獎勵以昭鼓舞

和春又奏言噴探洪逆因被圍情急號召上游
逆黨卽日下竄解圍等語臣查浦口沿江及九
洲爲金陵水路出入咽喉今爲我軍所有已
成合圍之勢其兇悍著名逆酋如陳玉城李秀
城李侍賢等均在皖江南北一帶勢必驅率醜
類死力來爭除由臣等督飭鎮將嚴密堵剿外

相應請

旨飭下湖北安徽皖南各路統兵大員乘此機會竭力
攻勦既可乘虛規復各城並使逆黨有所牽綴
不敢長驅下竄實於東南軍務大有裨益奏入
上諭曰此時機會頗覺可乘惟在汝等各將帥不分畛
域合力會勦早收成效

上命軍機大臣傳諭和春張國樑官文曾國藩胡林翼

袁甲三翁同書張芾周天受曰九洑洲爲金陵水路
出入咽喉今爲官軍攻克已成合圍之勢惟浦口六
合天長等處踞賊尙多若不先加掃蕩恐九洑洲勢
孤難守其地旣爲粵逆所必爭尤當嚴爲防備以免
掣肘著和春張國樑督飭將士先行進攻浦口並飭
李若珠督兵進攻六合天長將江北賊援勦除淨盡
至洪逆被圍情急必號召粵捻各匪赴援亟應各路

進兵使其不能相顧以冀早收成效現在曾國藩已抵宿松胡林翼亦進紮英山皖北逆衆業已震懾鑪橋亦見得手均可迅速進兵至皖南池太等處爲金陵後路應援亦應急攻以分賊勢卽著官文曾國藩胡林翼袁甲三翁同書張芾周天受各飭所部將士剋期大舉實力進剿其楊載福水師並著官文等飭令與江南水師互相策應乘此機會各路攻剿乘虛

規復各城惟在各將帥不分畛域協力同心以期迅
奏膚公同膺懋賞

上諭內閣曰此次攻克浦口沿江逆壘並九洲賊巢
大獲全勝所有尤爲出力之總兵黃彬著賞給烏里
達勒圖巴圖魯名號黃靖著賞給圖爾格齊巴圖魯
名號遊擊賴鎮海著賞給鋒勇巴圖魯名號參將郭
定猷著賞給驍勇巴圖魯名號羅大春著賞給衝勇

巴圖魯名號楊福增著賞給猛勇巴圖魯名號守備
況文榜著賞給銳勇巴圖魯名號遊擊朱得勝著賞
給爽勇巴圖魯名號總兵張玉良著遇有提督缺出
由軍機處提奏副將會秉忠著交軍機處記名遇有
總兵缺出請旨簡放參將李新明著以副將儘先補
用並賞加總兵銜甘肅西甯鎮總兵馮子材著開復
暫行革職處分陶茂森著開復總兵銜仍以儘先副

將遇缺補用參將張永清著以副將儘先補用

同日

上諭內閣曰袁甲三著卽授爲欽差大臣督辦安徽軍務

二十日酉乙張芾奏言據報池州府城復被楊逆

攻陷義勇章志俊領潰卒四千餘人由泥灣至張溪鎮爲賊所阻未能退歸水營乃移紮香口

橫船渡一帶楊逆糾合建德之賊突徧香口經
參將程永年等直前迎擊該逆分路抄竄韋隊
復敗賊於八都坂又敗賊於栗樹街先後俘獲
僞將軍陳松剋等三十餘名韋以琳亦在翠嶺
地方擒斬賊匪數名正月初八日羣賊進撲雷
湖並犯黃嶺韋志俊唐仁廉等帶隊迎戰衆寡
不敵幾爲所乘經余承樁等擊敗賊始逃逸臣

查韋志俊自拔來歸後楊逆久有欲得甘心之勢現在該逆雖屢經受創仍擁衆盈萬屯踞田家樂大王廟等處韋志俊駐紮雷湖唐仁廉駐紮黃嶺均須增兵嚴防擬俟此股悍賊擊退後再將韋志俊所部酌定去留或令助攻建德或令仍赴水營當與提督楊載福咨商辦理至韋志俊旣獻池城仍遭襲陷功過本不相掩第念

該義勇等悔罪歸誠似宜示以寬大破格優容
況此次又戰功屢著可否分別給予獎勵以固
衆心出自

聖裁奏入

上諭內閣曰義勇韋志俊等上年自池州統率部衆獻
城歸順旋因賊衆兵單池城復陷現在隨同官軍屢
著戰功紮營雷湖黃嶺等處助勦洵屬深明大義韋

守備孔憲德等由雲嶺兜抄賊後並以守備陶
兆宣等從右翼進羅仲山等從左翼進正鏖戰
間三里甸援軍又至賊不能支紛紛駭潰而蘇
嶺水南都兩路亦同時告捷不謂賊情譎悍知
三里甸派援觀嶺之師尙未回防卽潛結許村
埠餘黨復轉攻三里甸方國淮悉銳力戰頗多
斬馘賊乃另分一股由僻徑包抄方國淮正欲

撤軍回顧早已面面皆賊圍裏數重追血戰逾時率所部突圍而出我營竟被襲陷二十三日三里甸踞匪直犯丁潭並越雲嶺以阻我萬級嶺進援之路陶寶登羅仲山揮隊迎敵冀固觀嶺後路而雲嶺之賊已經撲嶺營丁潭之賊又分襲大嶺陶寶登急顧本營羅仲山直前決戰該逆一面圍營一面飛趨入城大道經陶寶登

羅仲山併力擊回而觀嶺之營又失猶幸王恩榮先紮下坊臣所續派之副將楊名聲一軍已駐幕山參將余大鵬亦將抵涇境周天受聞報又調黃金友等守清弋江以杜旁竄賊揣涇城有備乃折而向北直逼南陵城下陳大富督帶將弁會合署知縣廉能所帶團勇一鼓勦退賊卽舍南陵而入涇界正月初二日自章家渡突

橫灣灘遊擊黃熊飛引軍而退逆匪遂蔓延黃
村焦石埠勢甚臨張時副將李嘉萬適由金陵
統帶二千人援甯周天受乃得抽撥陳炳元一
隊赴涇協勦初三初五等日賊乘我上防營壘
未成策馬來窺虛實楊名聲先合署知縣劉西
園激勵鄉團壓紮山梁親督王恩榮陳炳元各
軍疾馳前進衝入賊隊揮矛縱擊殲斃馬步賊

數十名羣賊方退旋報黃柏嶺於初七日爲賊
竄踞而萬級嶺之糧道亦爲所隔 臣查黃池灣
沘一帶賊蹤山沒靡常有周天受近駐竹塘尙
足以資控制惟涇縣之灣灘黃柏嶺一失則旌
德太平邊壤節節堪虞 臣擬親往督勦又恐山
徑紛歧賊若乘虛軼入徽州腹地勢更燎原况
池州大股屯聚田家集將及稠嶺而祁門石埭

各嶺防又正在喫緊不得不暫緩赴甯以顧全局仍飛調現紮郭村之副將羅承勳各隊從旌太一路相機堵剿並嚴催涇防將領迅籌會擊務掃逆氛奏入報

二十二日
亥丁
官文奏言
臣前調黑龍江西丹一

千名並該省勸捐戰馬二千匹於上年十二月

內陸續到楚正值皖逆分途上犯攻勦喫緊隨
將新到西丹撥赴會國藩副都統多隆阿舒保
等營分別統帶以資調遣

同日駱秉章奏言 臣接督 臣官文及會國藩咨
稱皖北逆匪屬聚潛山一帶悉力上犯飛調記
名道張運蘭帶所部老湘營全軍卽日拔營馳
赴宿松聽候調遣等因 臣維張運蘭一軍僅二

千五百人自越境追勦廣東連州三江城賊後
張運蘭因病給假回里臣飭都司張廣勝等權
領其衆旋接廣西撫臣咨稱石逆自慶遠分股
趨柳州南路翻山竄越藤縣昭平等處請調楚
軍援勦復接江華永明各營稟報逆賊數萬已
由富川竄入楚境並探知賊謀由湖南廣東邊
界回竄江西後路有大股續至與否尙未可知

就現在南路所有兵力分布勦防已嫌單薄更
何能分調赴鄂張運蘭病尙未痊所部老湘營
勇丁二千五百名爲數甚單遠在江華藍山之
交距長沙尙千有餘里非一時所能赴鄂援應
再四思維蕭啟江前擬赴黔蜀之交慮所部兵
力尙單面懇增募一千五百人合成六千之數
臣令其剋期募練以便啟行已據報由水路赴

常德陸路赴沅州相機前進擬卽飭令該員改道趨鄂以赴戎機在湖北得蕭啟江全軍六千前往協助自可顧鄂以圖皖在湖南留張運蘭一軍二千五百駐邊協助亦可固湘以控粵儻此後皖鄂軍務稍緩四川情形復急卽懇

飭下曾國藩令其速催蕭啟江全軍由荆宜入川亦可不至貽誤曾國藩久歷戎行素知大局自當權

其緩急妥爲籌辦均奏入

上命軍機大臣傳諭官文曾國藩胡林翼駱秉章曰皖北粵捻各匪屬聚潛山一帶悉力上犯石逆復自慶遠分股由富川竄入楚境張運蘭一軍越境追勦在湖南江華藍山邊界未便遠調著卽留於湖南所有蕭啟江一軍旣據稱添募兵勇由水路赴常德陸路趨沅州相機前進卽飭令蕭啟江改道赴鄂以資攻

勦儘皖鄂軍務稍鬆應仍令蕭啟江一軍由荆宜入川以保完善之區著官文會國藩胡林翼通籌全局妥商辦理本日據官文奏黑龍江調撥西丹戰馬到楚日期分別撥赴前敵等語皖省粵捻各匪分途上犯攻勦喫緊著官文將此新到西丹均勻分撥各營北路一帶尤爲緊要自宜多爲撥赴以杜北竄並著官文等迅飭李續宜一軍赴鄂以便由光固一帶進

兵堵賊竄豫之路所有西丹馬隊卽著酌量抽撥分
交李續宜統帶以資截勦

同日官文胡林翼曾國藩奏言臣等探知逆首
陳玉城糾聚捻首龔瞎子等在潛山縣屬之地
靈港東西兩岸築壘二十餘座意將分路上犯
以解太湖之圍副都統多隆阿與總兵鮑超商
議分路進兵當派馬步隊由西路進勦又派協

領西林布馬隊與開化五營步隊由中路進剿
多隆阿親率弁勇由東路進剿以西中兩路馬
步各軍直趨地靈港而以西路一軍分繞賊壘
之後腹背夾擊該逆悉眾抗拒多隆阿鮑超指
揮兵勇奮力衝擊當將東岸賊壘十一座全數
踏平斬殺悍賊無算適山嶺賊眾遙擁而至西
林布率隊直入賊中擒斬多名連被數槍陣亡

西岸賊壘亦經喀爾庫率同馬步兵勇連踏數
座斃賊甚夥逆衆潰逃喀爾庫匹馬當先且追
且殺被伏中礮陣亡是役鏖戰五時之久斃賊
不下六七千名副都統銜協領西林布喀爾庫
轉戰數省身經百仗所向有功此次力戰捐軀
深堪憫惜仰懇

天恩飭部照副都統例從優議卹又陣亡之儘先參將

吳明亮請照參將例從優議卹奏入

上諭內閣曰西林布喀爾庫均著照副都統例從優議卹吳明亮著照參將例從優議卹